

دیمک ایستورکن قلبم شدتله چارپیور ، کوزلم قارایوردی . وریمی یقالامق ، نیچمدده آزمک ایچون بر قوت آرایور . فقط اقتدارسزلغمی آکلار آکلماز ورمدن استدعای مرحمته ، شفقت ، لطف و عنایت ایسته مکه باشلابورم . فقط هیهات ... قان دینجیسی ، عزرائیل یاردیمجیسی ، بشر دشمنی بو ابلیس ... برچوق کشینک نیازلرینه استرحاملرینه آلیشمش بو مخوف مخلوق صانکه بوسفر بندنمی قورقاجق بکامی ؟ بخش مرحمت ایده جکدی ؟ افسوس ... نه غریب و کولونج برامک !

بدیهه یواش و تترهک برصدای ایلده دیوردی : — . . . . سرگذشتی مطلق یازکنز ! هم قهرمانلرینک اسملرنی تغیر ایتمک شرطیله . . . . . سزکده ، « اونک » ده اسمی ده کشدر . مه یکنز . هرکس برکرده حقیقی بر سرگذشت او قومش اولسون . . . . . کیم بیلیر . . . بلکه بکا آجیان برکشی بولونور ، دکلی ؟

کنج قیز آغلامغه باشلابوردی . یاربی ، حالت زغده بولونان بو بیچاره بی موتدن تخلیص ایده بیله جک بر قوت موجود دکلیدی ؟ — « یازیکز ، آکلانکنز ... یازکنز که بدیهه پک سوکیلی بر محبه سنک قربانی اولدی . چونکه مسئول « او » بدن زیاده هادی در . هادیه ، اعتمادی سوء استعمال ایتدی . هادیه بی سعادتن شاشته سوروکه دی . یازکنز ، هپسنی یازکنز ! »

ملک قیز ! علوی قلب ! سبب فلاکتی زوجنی یتنه معذور کوریوردی . فضله دوام ایده مدی . کوزلری قاپاندی . متورمه اویقویه دالمشدی . .

بوملکچهره به آغلا یاراق بر مدت باقدم ویوش بواش او طه دن اوزاقلاشدم . . . . مقدمه نك صوکی

قارین محترمه ، بوقادارجق بر مقدمه بی کافی کورورلر ظننده میم ! اشته بورومانی ، بر مکتب آرقاداشمک صوکی آرزوسی اوزرینه یازیورم . یالکنز شوقادار وارکه مرحومه نك آرزوسنی ایفاده قصور ایدیورم . چونکه بعض اسباب ، وقعه

قهرمانلرینک حقیقی اسمنی قوللاقمقدن بی منع ایدیور ! بدیهه ، هادیه ، مظلوم ، الخ ... بونلر هپ بر نام مستماددر . وقعه به کلنجه : بلا تغیر تحریرینه بدل مساعی ایدلمشدر . اساساً وقعه بی تغیر ایچون کندمدده نه بر جرأت کوردم ، نه ده بویله بر صلاحیت !

وقعه بی تصویر ایچون قلممدده ولو جزئی بر اقتدار کوره مدیکم کبی !

— ١ —

« اک چابوق آچیلان چیچکار اک قولای صولانلردر » .

ایلك بهارك حلولندن بری شدتی کوسترمه مین روزکارلرک آغاچلرده کی زمردین یاققلری خرچین و مرتجسز برطورله دوککه جاسازیاب اولدیغی موسمدی . مغموم قلبله انشراح و پرمک سرنی حائر « هکبه لی آطه » چاملقلری درین بر سکوته دالمشدی . بلوطلر آراسنده اوکسوز بر چرجق کی قالان مهتاب آراضیره فرصت بولوبده صولغون شعاعانی سرپدکجه چاملقلرک ... کیم بیلیر قاچ عاشقک برغرام ملاقاتنه شاهد بو عصر دیده آغاچلرک دیننده ایکی کولکه سچلیوردی .

بو کولکه لرک صاحب لرنی کوره نلر ، سهارک پر اسرار محیطندن ، چنتک معلا کوشه لرندن ، کور شالاله لرینک رنگارنگ سواحلندن خوشلانمایان ایکی سماوینک آنجق تسهید عشق ایتک املیله آطه لرک بو مزوی کوشه سنه ایندکارینی ظن و تخمین ایدرلردی .

آطه نك درین بر اویقویه دالمش کی کورونن یتنه جکننده اوطورمقدن متلذذ ایلان بو کیجه قوسرو . لری عجباً کیملردی ؟

اوت ، بونلردن بری بدیهه ایدی . صاحبه سی بونلرینی اسمه جدا لایق بر بدیهه ! بشرک لوت محیطی ایچنه کله مسی الزم بر مخلوق ! برملیکه ! وه نوسک شهرت خارق العاده سنی هیچه ایندیورمه قادر بر ملاحظتک ، باقائلرک قلبنه قادر نفوذ ایده . بیله جک بر قدرت جاذبه بی حائر کوزلرک ، صانکه

ایپکدن نورواش نورانور صاحب لرک صاحبه سی بو ملیکه ایله برلکده چاملقلرده بولونمق کی معظم بر مسعودیته نائل اولان کنج ایسه اونک نشانلیسی اولقله بنتخر ، اخلاقاً نزیه ، وجهاً کوزل ، اسلاً کبار وسناً هنوز پک کنج مظلوم ایدی .

دلیقانی ، اورتادن منتظم بر صورتده آیرلمش صاحب لرنی نشانلیسنک کولکی اوزرینه دایامشدی . دالمشلردی . . . .

بو ایکی کنج و معصوم قلب بر لرینه اوقدر یقین و اویغون ایدی که ... ایکی تهیج قلبک ضربانی کیجه نك سسز لکنک یکانه اخلال ایدجیسی اولویوردی .

بدیهه دوشونویوردی ! مظلوم دوشونویوردی ! کندیسنی بویله بر آغوش محبتنه نائل ایدن طالعه پک متشکر بولونان مظلوم سوخچدن عادتا چیلدیریوردی !

مظلوم ، بدیهه به ایلك دفعه اوله رق آطه نك یتنه بو آسوده چاملقنده لطیف بر بهار کونی تصادف ایتشدی . صنعی کوزه لکاردن زیاده طبیعی کوزه لکاردن خوشلانمق کی شایان تقدیر بر مزاجک مالکی مظلومک او زمان عشقه یابانجی قلبی اونی هر پاطریدین آزاده چاملقه آنجق درس لرنی از برله مک ایچون سوق ایتشدی .

مظلوم او کون برچام دیننده درسنی از برلکله مشغول بولوندی بی صیراده بردنبرده بر آزا ایلروده خفیف برندای مسرت ایشتمش ، بوندانک کلدیکی طرفه عطف نظر ایتدیکی زمان اووح ! قلبنده نا کهان بر آغرلق حس ایتشدی . مظلوم برندن غیر اختیاری فیرلامشدی . اوله که ، چاملقده کسه بولوندی نك فرقنه وارمقسزین بر کلبک پیشندن قوشه قوشه تا اورایه قدرکن بیاض مشحلی کنج قیزک نظر لری ده دلیقانی لیک نظر لرینه تصادف ایتدی .

کنج قیز محور بر ادا ایله دوردی . باشنی اکدی : مظلوم ایسه جدا معصوم و مظلوم برحاله برندن قلدا نامادی . آرادن کچن بر قاچ نایبه طرفین ایچون هیچ شبهه سز برسنه قدر مدید کلمشدی . بو حاله سببیت و برن قیز یتنه بو حاله خامه چکدی .

بردنبره سیلکیندی . باش اورتوسنی دوزه لندی . دلیقانی به تکرار باقدی . بر قهقهه قویوردکن صوکره کلدیکی کی یتنه قوشه قوشه کوزدن نهان اولدی .

مظلوم بلکه بش ، اون . . . اون بش دقیقه قلدا تمهیزین قالمشدی . دمینکی حال اونک قلبنده غریب بر حس ، بر هیجان او یاندیره شدی . نه به اوغرا دیغنی ، بر خیالک می تحت تأثیرنده بولوندیغنی بیله میور ایدی . . . .

کنج مکتبلی کوزی اوکنده دائماً او منظره بی تجسم ایتدیریور ، صانکه درونی بر صدا اوکا : — ای صاف کنج ، هایدی آرتق اویان ! بی حس برحاله قالما ! عشق ملیکه سی ایله قونوشق زمانی کلدی ! دیوردی .

هنوز ا کال ایتدیکی بکرمنجی سال حیانه قدر عشقک نه دیمک اولدیغنی بیله مین دلیقانی دوشوندی ! اوزون مدت دوشوندی . . . . [ مابعدی وار ]

وداد عرفی



شرقی

آجی بر حظ دویارق سومکدن سنی آکدم کیجه ای غنجه دهن ، قر ابعاده صدف ایشلر ایکن کوزلرکدن قاره بر یأس ایله بن .

آیک اون دردینی کوردمدده کوله ر ، سنی آکدم کیجه ای غنجه تر ، — دویارق آکده بر طاتی کدر — حیرتکدن آجی بر حس ایله بن .

ویانه ٢٠ کانون مانی ١٩١٨

سها بلند

مدیر مشول : سلیمان توفیق

محمود پک مطبعه سی